

'Sbε Suidt 'cra

Jewlu-

¹ Mō Suidt, 'in nte Sakt 'a "dei -o, -wεε 'ma nυb Sesi Klisτ "juoi. Aopυ -o-o -ti' -a "Bo Kea kma -wεε ε 'da 'de -o -tea Sesi Klisτ 'a -tea' a, 'mō -o-o ja aopυ 'sbε-.

² 'In nte "i Kea 'je aoa' wεε 'je, 'de ε 'je ao εε' pεε 'a blua' ke εε' nyb 'a -ti' kmaa' wōn "jii-.

Nyb detoobn 'a -kewε'-

³ 'Ma -ti' kmaubn, ka Kea nυa -a -wee' 'a 'pυbubn ε, 'ma -pōn 'in 'je εε' 'sbε aopυ -jei" poo. -Ta 'in nua εε' 'sbε tu 'a 'cra 'a, 'bomō de -je -kōan -ti' 'kpaā' 'bo 'bn -kwli", εmε -ti 'ma 'tmυ ε 'de ao -pee. εε' de tu mε -ni Kea 'a tυ -fōan'. Kea 'a -ti' ao 'jea tō' 'bn ε, ι -teeε εε' nyb kwa 'bode, ia' poo fai". Ao kpυn 'e "jri -wεε ao 'je ia' tυ -fōn'.

⁴ Dεε-ti 'in 'da kan' a, εmε -ni nyb jru' -υba' 'je Kea 'a wlu wōn -wεε -υb -ni 'de ao "klu wōo- 'sυ ao se juo-. Uba' nyb tu ε, υb 'naa -je -aa Kea a 'jea nyb 'a wεε la -mε de "o de -jia' 'de υpυ "jru 'di ε, υb 'bεε- υb 'je ε nυ. 'De εε' -ti' 'bn ε, Sesi Klisτ -o-o 'sυ nua -aa 'Blei ke Tυ"bo ε, υba' doin" se o-o -ti' inι-. Ka Kea 'a 'pee kpυn a υba' nyb tu ε, ε 'cruε' sese 'de εε' 'sbε 'di.

⁵ Dι ao jua see ε, umυ 'ma -pōn 'in 'je aopυ -kwlb o poo-. -Ta Kea -saa Israε-nyb kbōnkwlā' 'de Esipυ-blua "kpei ε, nyb "klein -υb -kua "jru

-wεε -υυ -na -υυ se ε wον 'jei ε, υυ -wee' "klein 'mεε 'bo -jei".

⁶ 'Kamω ε ni -ke 'de Kea 'a "soa-wi" jru' 'a -ti' 'υn. -Tein 'dωe -je Kea "nyta υυυυ 'de jaυn 'di -bo υυ ni 'o "kpei -wεε υυ 'jea ni' wον ni ε, υυ 'bo 'o -mω 'mε. Εμε -ti Kea po υυυυ "cυn bi', -wεε ε -te' υυυυ i 'bo -ta -kpea i ε, 'bomω υυ 'je ni mamaυ 'su ε 'je 'pee 'jewi klaa" jεε-.

⁷ Nyυ -υυ -nιa 'bo Sodωm ke Gomωω ke, -kwλε -ke ι "kυυan i 'dii ε, δε -nyυa υυυυ "jrii ao po ε -kwλυ o -ke. Di -ιa -dbaa' nyυ -tυn' 'i, -wεε -ι -sea' ny ka ni ε, υmυ υυa' 'blυku a po υυυυ -je o 'su υυa ny ba "jrii. Εμε -ti Kea ja nε, 'de ε -sa υυυυ 'a -kwλε i. Δε -ε -nyυa υυυυ "jrii 'mυa- a, εμε -saa nyυ -wee' "klein fεn' 'de nε -sea' 'mυ-ta 'ble 'a -ti' 'υn, -wεε ka υυυυ nyυ nyυ je kan' ny -ke.

⁸ Nyυ -υυ pa 'de aopy "klu ε, dυsain due' -ni ny υυυυ a ny -ke. Uy 'na Kea tωω υυυυ di 'de jajri' υn. 'De εε' -ti' 'υn ε, υυa kpyυen υυa' 'blυku -fλεn" 'de desayn nyυa' 'υn, -wεε δε υυ 'blea "jru kpy' i -tei ε, εε nyaa υυυυ i, 'de υυa to Kea 'a "soa-wi" wον o.

⁹ Δε υυυυ nyυa 'mυa-, Misει -jω -nιa Kea 'a "soa-wi" 'a klaa" a, -mω se -mε ny kpe due'. -Ta ω ke -sion' kpyυan "woin 'de Moισt 'a "ku 'a -ti' 'υn ε, ω se ω wον o to kpe due' -wεε ωω' -soo' opoo-tι, 'kaa ω 'naa : -Sion', Ty'bo 'a -ce" 'kpa -je -υn "bli -ce' !

¹⁰ 'Kaa υυa' nyυ tu ε, di "klein υυa' 'wωan 'dei ε, υυa wλαa -mυ 'mε jeejee. 'De di "klein υυa' ppe a tωωa υυυυ ε, υmυ υυa bla 'o 'de, ka 'kwla 'dinmi a nyυa, 'kamω υυa ny. Di υυa nyυa 'mυa- υmυ -ιa mu υυa' 'mεa' "jru "kpei- poa'.

11 Ε ΝΙΕ 'nmia-ti -o 'de uua' -ti' 'un, δε-νυε' υυ bla 'o Kain 'a -ko 'de. Uua 'kpa 'wei 'a 'tun o uua jea 'e Balaam 'a -ko 'de bla uua jea blu. Uua' "jrūkua' ποε υυρυ 'a "maa "jru "kpei-, ka Kore nua 'de ε.

12 -Bo υυ ke aopy 'kūn- "jrui -wεε aoa sea -tadue dii ε, εε 'koo- aoa' "jua-, -wεε εε dooa aopy 'a 'nyni. Uυ nyniie 'de aopy 'klu i. Uua' nyυ tu ε, dedia' 'a -tūn 'a nυ υυρυ. Uua' naa nyυ jro' 'o -ti' to' "kpei-, υυρυ 'a 'su 'je di, υυ 'je dbo, εμε υυα -pōn i jeejee. Uυ se nuυdbo 'ble, υυα' kpyū wlu "kpei, di nyυ -teea υυρυ -kwlu", υυα' nυ ι. Ka -bo "ni jii 'de jaun-kwlu -ji -ji -wεε -bo po' ji ε -sia' 'de εε' dba a, 'kamō υυρυ nι-. Ao 'je kan' 'me ke'wle ti -bo ti 'a cro nō" nyni -wεε -ia' croa, 'de -ia puua -me -mυ 'mεε "pōnpōn.

13 Uua' nyυ tu ε, di -i -ke υυ -kōōa' ke'wle, ι ka : Ka -bo 'tōn ni 'fea sri' -gboe -wεε εε' 'wlu -gbleun" 'de εε' fūn' a boa ε kpyū a -flen" ε, 'kamō υυα' dīsaun nι-. Uua' nyυ tu, ka 'cū-sūn -ia' kpyū a 'bo ia' -tein "kpei- nia, 'kamō υυ nι -ke. Kea nmae υυα' -tein 'me 'bo -ta -nia -pīpli ε, 'bomō υυ 'je i -te jeejee.

14 Enōki -ō -nia nyiō 'ō "ji -ε tba 'de Adam "kpei 'a -me" 'sōn -nō ε, omō -wlu ka tein" sese 'de υυα' nyυ tu 'a -ti' 'un. O 'naa : Ao -gbūn 'nō, Tυ"bo ke o' "soa-wi" 'a -kwlu -tuu"-tuu a muε jia',

15 -wεε o 'je nyυ -wee' "klein 'a 'pee 'je. 'De nyυ "klein -υυα' 'jea Kea wōn -wεε -υυα nua dīsaun ε, υυα' wōn 'je "mu, -wεε wlu saun klae" klae" υυα' nyυ tu 'tmua Kea -pee ε, υυ 'je ia' "kuan po.

16 Uua' nyυ tu a wluue nyυ 'dei jeejee, di -wee' "klein a kpyū ε υυρυ -kwlu, δε υυ nia 'un ε, εε'

bluua uua' pree-. Di uua' pree a pooa "i, mi -ia po uupu -je o. -Cei" 'be -wlu klae" -ni, ia' 'su -a ji 'de uupu 'wɔn. Uua pooe nyu 'srɛ i -wɛe u u 'je dɛ 'je, 'de uua dii nyiɔpu 'ɔn, uua ple i.

Nyɔfen' -saawlu

¹⁷ 'Kaa 'ma -ti' kmaɔn aopu mɔ ɛ, wlu "klein -aa Tu"bo Sesi Klisti 'a dɔnɔn 'tmɔɔa aopu tɛin", ao 'bu o "mae !

¹⁸ Dɛ u 'tmɔɔa 'de ɛ, ɛmɛ -ni -sɔnti 'blua 'a mua -kwɛa' a, aopu -ɔɔ naa Kea 'a -jei" ka -cɔɔn' ka a, nyu jru' a muɛ aopu wlaa'. Uua' nyu tu se Kea juo-. Disain -ia nua uua' pree 'tɔn ɛ, umi -ia po uupu -je o.

¹⁹ Nyu -nia 'mɔɔa- uupu -a nuɛ -wɛe nyiɔpu a 'nyuɛ 'ɔn 'de uua -seea' i. Dɛɛ-ti uua nua kan' a, ɛmɛ -ni Kea 'a -Suu se 'de uupu 'ɔn ni-, uua' nyiɔtɔ' mɛ -ɛɛ po uupu -je o.

²⁰ 'Kaa 'ma -ti' kmaɔn aopu mɔ kpuɔn aɔa' -cɛ" i -wɛe ao 'je ba sɔn o po 'de Kea 'a wlu 'ciɔn' 'ɔn, 'de aɔa' Kea -kwli" -tea' -ɛ -siia di -wee' 'je 'boa ɛ 'je nya mu. 'De -bo aɔa sea Kea bae ao "tai- Kea 'a -Suu "i ɛ 'je aopu -je o po.

²¹ Ka Kea kma aɔa' -ti', ao po ɛ -kwɔb o jeejee, -wɛe ao 'je ba 'a -ti' kma kan' mamaɔ 'su -aa Tu"bo Sesi Klisti 'a nyu 'a wɛe 'jea 'je "jri "kpaɛ' po, -wɛe ɔ ke -a -je 'kmɔ ni jeejee.

²² Nyu -a pleea pree i, ao 'je uupu 'a wɛe-, ao nuɛ mamaɔ ka 'puɔa' 'a -ti' nia tɔ', u u 'je ɛ juo 'pepe.

²³ Nyu jru' -ni 'e mu ke'wɛ -wi" -mɔ "kuɔɔan- 'e nɛ 'ɔn mua' i. Ao nuɛ mamaɔ 'su u u 'je nɛ -sea' 'mɔ-ta 'ble wɔin" 'puɔ. Nyu jru' -ni 'emu ke'wɛ -uua wɛe ao 'je 'je. 'Kaa -bo aɔa sea -wi" -mɔ 'a

wεε 'je ε, ao -tu" aoa' -ce" 'ε -tu', -wεε ao je υba'
'υnpaadι "ibla, δε-νυε' dισαιν υba nba ι κρυθεν
υba' dι -wee' "klein -flen".

Kea 'a 'nynι "i 'βεεα'

²⁴ Kea -ε -βεεα' -ε -jea aopυ 'de ifuo ε, -wεε ao
jea 'e δεsavn 'di 'kpa a, ao po ε 'σε- ! Εε μυε nba'
-wεε -sontι aoa mua 'de εε' -son' 'υn mua' a, ao
se -kω -pυn" nι -wεε 'mυa- klaa" 'je aopυ nυ.

²⁵ Kea -ε -nιa due' koun -gbai' -wεε -ε -nιa -aa
'Pυι 'de -aa Tυ"bo Sesi Klisι 'υn ε, -aa -βεε' εε'
'nynι "i. Δε -tba' 'e tεin" sese o, -wεε -ε -jεεα
-sianwι ε, 'nynι 'wλba' o, κεεμα' nιa' o, "ikmaa'
o, δεwον-sia' nιε εε' δε -o 'de nω" "o nω" -wee' 'di
! 'Kamω ε nι- !

DBΞEΔE DEE-

Wè Northern: DBΞEΔE DEE- New Testament+

copyright © 2010 Wycliffe Bible Translators, Inc.

Language: (Wè Northern)

Contributor: WBT Central Zone

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

420bcc8e-229d-5a3a-91bf-a91cc86b40db